



**LEMBAGA PERTUBUHAN PELADANG**

---

**PEKELILING KETUA PENGARAH BILANGAN 3 TAHUN 2016**

---

**BANTUAN KHAS KEWANGAN TAHUN 2016**

**1. TUJUAN**

Pekeliling Ketua Pengarah ini bertujuan melaksanakan keputusan Kerajaan untuk memberi Bantuan Khas Kewangan (BKK) kepada pegawai Perkhidmatan Awam Persekutuan bagi tahun 2016 selaras dengan Pekeliling Perkhidmatan Bilangan 4 Tahun 2016.


**2. KEPUTUSAN**

Adalah diputuskan bahawa Lembaga Pertubuhan Peladang menerimapakai Pekeliling Perkhidmatan Bilangan 4 Tahun 2016 mengenai Bantuan Khas Kewangan Tahun 2016 - Rujukan: JPA.SARAAN.223/5/4-3 Jld.3 (10) bertarikh 9 Jun 2016.

**3. TARIKH KUAT KUASA**

Pekeliling Ketua Pengarah ini adalah berkuatkuasa mulai **9 Jun 2016**.

Sekian, terima kasih.




**(DATO' HJ. MOHD SALIM BIN HJ.TAHA)**  
Ketua Pengarah  
Lembaga Pertubuhan Peladang

13 Jun 2016

**Edaran Kepada :**

- Timbalan Ketua Pengarah Pembangunan
- Timbalan Ketua Pengarah Operasi
- Pengarah – Pengarah Bahagian
- Pengarah Unit Integriti
- Pengarah – Pengarah LPP Negeri
- Ketua Cawangan Audit Dalam
- Ketua Cawangan Undang – Undang
- Presiden Persatuan Pegawai – Pegawai Kanan LPP Semenanjung Malaysia (PEKA)
- Yang Dipertua Kesatuan Kebangsaan Penolong Pegawai Ehwai Ekonomi LPP Semenanjung Malaysia (KEPELADANG)
- Yang Dipertua Kesatuan Pembantu Ehwai Ekonomi LPP Semenanjung Malaysia (KELADANG)
- Yang Dipertua Kesatuan Kakitangan Akaun/Audit Semenanjung Malaysia (KESADA)
- Yang Dipertua Kesatuan Kakitangan Pentadbiran LPP Semenanjung Malaysia (KETADBIR)
- Yang Dipertua Kesatuan Jurutera LPP Malaysia (KETEKNIK)



**KERAJAAN MALAYSIA**

---

**PEKELILING PERKHIDMATAN BILANGAN 4 TAHUN 2016**

---

**BANTUAN KHAS KEWANGAN TAHUN 2016**

**TUJUAN**

1. Pekeliling Perkhidmatan ini bertujuan melaksanakan keputusan Kerajaan untuk memberi Bantuan Khas Kewangan (BKK) kepada pegawai Perkhidmatan Awam Persekutuan bagi tahun 2016.

**LATAR BELAKANG**

2. Kerajaan telah memutuskan supaya BKK sebanyak RM500.00 dibayar kepada pegawai Perkhidmatan Awam Persekutuan di atas keprihatinan Kerajaan serta menghargai khidmat bakti penjawat awam.

3. Kerajaan juga bersetuju memanjangkan pemberian BKK sebanyak RM250.00 kepada pesara Kerajaan yang menerima pencen.

## PELAKSANAAN

4. BKK diberi kepada semua pegawai Perkhidmatan Awam Persekutuan yang masih berkhidmat pada 8 Jun 2016, tertakluk kepada syarat telah berkhidmat sekurang-kurangnya 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 8 Jun 2016.

5. Bagi pegawai lantikan *contract of service* dan Pekerja Sambilan Harian (PSH), tempoh 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 8 Jun 2016 adalah bermaksud boleh meliputi lebih dari satu kontrak yang bersambungan tanpa terputus.

## PEGAWAI YANG LAYAK

6. Tertakluk kepada perenggan 4 di atas, Pegawai Perkhidmatan Awam Persekutuan yang layak dibayar BKK adalah seperti berikut:

- 6.1 pegawai lantikan tetap, sementara, *contract of service* dan guru interim;
- 6.2 pegawai yang bercuti separuh gaji;
- 6.3 pegawai yang bercuti tanpa gaji/ dipinjamkan ke agensi yang diasingkan pengurusan saraannya atau badan antarabangsa atau syarikat swasta tetapi tidak sepanjang tempoh 1 Januari 2016 hingga 8 Jun 2016;
- 6.4 pemandu yang dilantik oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya; dan

- 6.5 pemandu yang dilantik sendiri oleh Anggota Pentadbiran dan Hakim dan Pesuruhjaya Kehakiman berdasarkan Akta Ahli Parlimen (Saraan) 1980 dan Akta Saraan Hakim 1971.

#### **PEGAWAI YANG TIDAK LAYAK**

7. Pegawai Perkhidmatan Awam Persekutuan yang tidak layak dibayar BKK adalah seperti berikut:

- 7.1 pegawai yang berkhidmat kurang daripada 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 8 Jun 2016;
- 7.2 pegawai yang bercuti tanpa gaji sepanjang tempoh 1 Januari 2016 hingga 8 Jun 2016;
- 7.3 pegawai yang dipinjamkan ke agensi yang diasingkan pengurusan saraannya atau badan antarabangsa atau syarikat swasta bagi tempoh 1 Januari 2016 hingga 8 Jun 2016;
- 7.4 pegawai yang dikenakan hukuman tatatertib selain daripada hukuman amaran dalam tempoh 1 Januari 2016 hingga 8 Jun 2016; dan
- 7.5 pegawai yang ditamatkan perkhidmatan demi kepentingan awam dalam tempoh 1 Januari 2016 hingga 8 Jun 2016.

#### **PEKERJA SAMBILAN HARIAN (PSH)**

8. BKK sebanyak RM500.00 juga dipanjangkan kepada Pekerja Sambilan Harian (PSH) yang masih berkhidmat pada 8 Jun 2016 tertakluk kepada syarat pegawai telah

berkhidmat sekurang-kurangnya 30 hari berturut-turut termasuk Hari Rehat Mingguan, Hari Kelepasan Mingguan dan Hari Kelepasan Am.

#### **PEGAWAI YANG DITANGGUHKAN PEMBERIAN BKK**

9. Pegawai yang ditahan kerja, digantung kerja atau surat pertuduhan telah dikeluarkan pada atau sebelum 8 Jun 2016 oleh Pihak Berkuasa Tatatertib, ditangguhkan pemberian BKK. Pegawai hanya layak dibayar BKK sekiranya Pihak Berkuasa Tatatertib mendapati pegawai tersebut tidak bersalah atau pegawai hanya dikenakan hukuman amaran.

#### **TANGGUNGJAWAB PEMBAYARAN**

10. Pembayaran BKK ini adalah menjadi tanggungan Jabatan di mana pegawai berkhidmat pada bulan pembayaran.

#### **PESARA**

11. BKK kepada pegawai Perkhidmatan Awam Persekutuan yang telah bersara pada atau sebelum 8 Jun 2016 dan menerima pensen akan dibayar oleh Jabatan Perkhidmatan Awam sebanyak RM250.00.

12. Pembayaran kepada mana-mana penerima pensen terbitan yang layak di bawah undang-undang pensen akan dibuat oleh Jabatan Perkhidmatan Awam.

13. Pesara yang dilantik semula dalam Perkhidmatan Awam<sup>1</sup> layak dibayar BKK pada kadar RM500.00 tertakluk kepada pegawai telah berkhidmat sekurang-kurangnya 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam

---

<sup>1</sup> Kementerian Kewangan akan mengeluarkan surat edaran berhubung pemanjangan pemberian Bantuan Khas Kewangan kepada pegawai di bawah *contract for service*.

tempoh 1 Januari 2016 hingga 8 Jun 2016. Pembayaran sebanyak RM250.00 akan dibuat oleh Jabatan Perkhidmatan Awam dan bakinya sebanyak RM250.00 akan dibayar oleh Jabatan di mana pegawai berkhidmat pada bulan pembayaran.

#### **TARIKH PEMBAYARAN**

14. BKK sebanyak RM500.00 kepada pegawai Perkhidmatan Awam Persekutuan dan RM250.00 kepada pesara akan dibayar pada 13 Jun 2016.

#### **TARIKH KUAT KUASA**

15. Pekeliling Perkhidmatan ini berkuat kuasa mulai tarikh ia dikeluarkan.

#### **PEMAKAIAN**

16. Tertakluk kepada penerimaan pakai Pekeliling Perkhidmatan ini oleh pihak berkuasa masing-masing, peruntukan Pekeliling Perkhidmatan ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

#### **“BERKHIDMAT UNTUK NEGARA”**



(TAN SRI MOHAMAD ZABIDI ZAINAL)  
Ketua Pengarah Perkhidmatan Awam  
Malaysia.

JABATAN PERKHIDMATAN AWAM  
MALAYSIA  
PUTRAJAYA

09 Jun 2016

Semua Setiausaha Suruhanjaya Perkhidmatan

Semua Ketua Setiausaha Kementerian

Semua Ketua Jabatan Persekutuan

Semua YB Setiausaha Kerajaan Negeri

Semua Pihak Berkuasa Berkanun

Semua Pihak Berkuasa Tempatan





**Ketua Setiausaha Perbendaharaan**  
(Secretary General of Treasury)

**Kompleks Kementerian Kewangan**  
No. 5, Persiaran Perdana  
Presint 2  
62592 PUTRAJAYA  
Tel. : 03-88823333  
Telefaks : 03-88824224  
Telex : FEDTRY MA 30242  
Laman Web : [www.treasury.gov.my](http://www.treasury.gov.my)

KK/BP/DS (S)10/79/28(S.K.1/2014)(31)

9 Jun 2016

**Semua Ketua Setiausaha Kementerian**  
**Semua Jabatan Persekutuan**

YBhg. Tan Sri/Datuk/Dato'/Tuan/Puan,

**BANTUAN KHAS KEWANGAN *CONTRACT FOR SERVICE***  
**TAHUN 2016**

Dengan hormatnya saya merujuk kepada perkara di atas.

2. Dimaklumkan bahawa Kerajaan bersetuju untuk memberi Bantuan Khas Kewangan *Contract For Service* kepada semua individu *contract for service* sebanyak RM500. Sehubungan itu, semua individu *contract for service* yang masih berkhidmat pada 8 Jun 2016 tertakluk kepada syarat pegawai telah berkhidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am layak menerima Bantuan Khas Kewangan *Contract For Service*.


3. Pesara Perkhidmatan Awam yang berkhidmat secara *contract for service* layak menerima Bantuan Khas Kewangan pada kadar RM500 tertakluk pegawai telah memberi khidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am dalam tempoh 1 Januari 2016 hingga 8 Jun 2016. Pembayaran sebanyak RM250 akan dibuat oleh Jabatan Perkhidmatan Awam dan bakinya sebanyak RM250 akan dibayar oleh Jabatan baharu individu *contract for service* bertugas.

4. Bantuan Khas Kewangan *Contract For Service* ini hanya diberikan kepada individu *contract for service* warganegara Malaysia dan akan dibayar pada 13 Jun 2016.

Sekian, terima kasih.

**“BERKHIDMAT UNTUK NEGARA”**

Saya yang menurut perintah,



**(TAN SRI DR. MOHD IRWAN SERIGAR BIN ABDULLAH)**

s.k.:

Ketua Setiausaha Negara

Ketua Pengarah Perkhidmatan Awam

Ketua Audit Negara

Akauntan Negara Malaysia